

Kwanang gore le se kwane

Mongwadi ke Bandile Sikwane

Diswantšho ka Chantelle le Burgen Thorne

Ka nako ye nngwe, ke bohlale go kwana gore le se kwane. Gase merero ka moka ye e hlokago gore go ngangišanwe go fihlela dikgomo di boya gae. Ye ke thuto yeo Belinda Bovine wa namane le mogwera wa gagwe wa potego Dumisani wa ntatauwanenyana ba ithutilego yona boima.

Go rarolla ngangišano ya bona ye maatla fela ya botlaela bjo bo golo ka ga letšatši la selemo la go fiša, la go tlala dintšhi, ba emetše letšatši le phirima, ge maloko ka moka a lapa la gabo Belinda a 90 a boya gae go tšwa mašemong. Wena, tlala yona e be e ba swere kudu.

“Ijoo, dumela, Dumisani. O dirile gabotse wa tla go ja dijo tša go lalela le rena,” Mmago Belinda o ba tsene

ganong bjale ka ge a hlwa a dira ge ba thoma go ngangišana. Ga se ba mo kwa.

“Ga go bjalo!” gwa gatelela Dumisani.

“Le wona!” gwa fetola Belinda, ge ba eja dilalelo tše dibose. Ga go dijo tša bose go swana le tše re di jelego setaleng sa Polase ya Rasdorf.

“Wa ka o rasa kudu,” gwa nganga Belinda.

“Seo se tloga se sa kgonagale!” a realo Dumisani ka mahlo a go phadima, a makaditšwe ke polelo yeo.

“Wa ka o kotsi gape o fediša tšohle!”

“Aowa, hle!” Mantšu a kgegego a tšwa molomong wa Belinda wa go tlala dijo.

“Bobedi bja lena emišang go ngangišana, goba le tla ya go jela ka kua ntle,” mmago Belinda a ba kgala, ga bjale a galefile.



Kgalemo e hlotše setu sa go tšwa fela go dimpa tša go kgotsofala. Kgotsofalo ya go dira gore mmele o iketle, o dumelele mpa go dira seo e se dirago bokaonekaone: go šila, go šila, go šila.

Setu se bile nako ye nnyane. Ge mmago Belinda a ba tšhelela meetse a senwamaphodi, ke ge bobedi bo thomile.

“Wa ka o kotsi kudu. Mma o re o tutetša kloupo,” a realo Belinda ka boitshepo. Ga se gore ke nnete, ke tlhotlo kudu go Dumisani.

“Agaa! Efa bohlatse,” gwa goeletša Dumisani.

Belinda a dira seo ka mafolofolo. Ka manyami go bohle.

Ka fao...



gwa potla Belinda.

“Gase selo seo!” a realo Dumisani. “Swara seno se sa ka.”



Gwa potla Dumisani.

Bjale, Belinda le Dumisani ba be ba sa lemoge dinnete tše tharo.

Ya mathomo: Ka nako ya go šila, megodu ye mene ya kgomo e hlola kago ya gase ya go bitšwa mitheine. Kgomo e ntšha moya ka go potla.

Nnete ya bobedi: Dintatauwane di kgona go fofa ge fela dijo di šilegile ka moka ka mpeng. Di diriša megodu ye mene go ye seswai ya tšona go šila dijo bjalo ka dikgomo, gomme seo le sona se hlola gase ya mitheine. Megodu ye mengwe ye mene e fiša mitheine. Ke ka fao go naganwago gore dintatauwane di “hemela” mollo ka ntle, mola e le ka fao di potlago ka gona.

Nnete ya boraro – ye ke ya bohlokwa kudu: Gase ya mitheine o ka tuka. Se se ra gore hlase ye nnyane fela e ka hlola mothuthupo o mogolo kudu.



Mopotlo wa Dumisani e be e le hlase ye nnyane. Ge o kopane le mopotlo wa Belinda o mokoto go tšwa gare ga mpa, go thuthupa go fofišitše marulelo gomme gwa rathagantšha setala sa Polasa ya Rasdorf.

Ebile mahlatse gore badudi ka moka ba phonyogile le maphelo a bona. Go swanetšwe go bolelwa, le ge go le bjalo, e bile madimabe gore tshenyego e kalo e hlotšwe ke ngangišano ya botlaela kudu. Go a bontšha, ka nako ye nngwe, ke bohlale go kwana gore le se kwane.

Gomme ka mahlatse, ga tee, nneteng ye ya bohlokwa, Belinda le Dumisani mafelelong ba ile ba kwana.

Kwanang gore le se kwane

Mongwadi ke Bandile Sikwane • Diswantšho ka Chantelle le Burgen Thorne

Mehopolo eo le ka buang ka yona

Ke ka lebaka la eng o nagana gore Belinda le Dumisani ba ngangišana kudu?
O nagana gore go kaone go fela le kwana gore ga le dumelelane ka dinako tše dingwe? Ka lebaka la eng o thekga seo/o sa thekge seo?

Ke eng seo se tšewago e le ntlha? Ke mang yo a tšeago sephetho sa ge eba seo se bolelwago ke ntlha?

Go bona

Lebelela mo seswantšhong ka šedi go matlakala a mabedi a mathomo a kanegelo.

- ★ O kgona go bona dikgomo le diterakone tše kae mo tafoleng?
- ★ Ke dijo dife tše di di hwetšago gore di je?
- ★ O nagana gore di nwa eng?
- ★ O ka kgona go bona Dumisani, Belinda le mmagwe?

Go bala

Ke ka lebaka la eng o nagana gore kanegelo e bitšwa *Kwanang gore le se kwane*?
O nagana gore Belinda le Dumisani ba ithutile thutwana ya gore go kaone go fela o dumela gore ga le dumelelane? Efa lebaka/mabaka ka ga maikutlo a gago.

Go ngwala

Ngwala papadi o šomiša sengwalwa go tšwa kanegelong.

Go bapala terama

Raloka papadi ya gago le maloko a lapa le/goba bagwera.

Go dira dilo

Dira tshwayo ka hlogo ya kgomo goba ya terakone mo bogodimong.